

Headline	Universiti perlu gandakan usaha tangani isu global	Language	MALAY
Date	23. Oct 2008	Page No	29
Media Title	Utusan Malaysia (Central)	Article Size	200 cm²
Section	Dlm Negeri	Frequency	Daily
Circulation	238082	Color	Full Color
Readership	833287	AdValue	6151.62



Universiti perlu gandakan usaha tangani isu global

Kekayaan ilmiah dan penyelidikan universiti perlu dikongsi dengan masyarakat dengan menangani masalah berkenaan

ROZALI ISMAIL
Pro Canselor
Universiti
Putra Malaysia

MUHAMMAD ZULKIFLI SAINUDIN

KUALA LUMPUR 22 Okt. - Warga Universiti Putra Malaysia (UPM) digesa menggandakan usaha memimpin masyarakat dalam menemukam kaedah baru bagi menyelesaikan krisis global.

Pro Canselor Universiti Putra Malaysia, Tan Sri Datuk Rozali Ismail berkata, itu seperti kenaikan harga minyak, krisis makanan dan kegawatan ekonomi perlu di perhalusi dengan matang dan penuh nilai intelektual.

Menurutnya, kekayaan ilmiah dan pe-

nyelidikan universiti perlu dikongsi masyarakat dengan menangani masalah berkenaan.

"Contohnya krisis minyak, kajian terhadap sumber alternatif seperti tenaga solar, angin, biofuel dan biodiesel yang menggunakan sumber pertanian perlu diberikan perhatian serius," katanya.

Beliau berkata demikian pada majlis Konvokesyen ke-32 Universiti Putra Malaysias (UPM), di Serdang hari ini.

Seramai 7,846 graduan UPM menerima ijazah dan diploma hari ini. Dari pada jumlah itu, 176 adalah penerima ijazah PhD, 1,037 ijazah Sarjana, 6,132 Ijazah Sarjana Muda dan 501 penerima Diploma.

Rozali berkata, penarafan UPM sebagai

sebuah universiti penyelidikan merupakan satu amanah dan tanggungjawab besar kepada warga universiti.

"Saya yakin, UPM mampu untuk memikul tanggungjawab ini berdasarkan pencapaian semasa institusi berkenaan di arena pendidikan tinggi," jelasnya.

Dalam pada itu beliau berkata, khazanah alam negara merupakan anugerah Tuhan yang tidak ternilai, oleh itu ia haruslah diterokai untuk manfaat bersama.

"Bagaimanapun, usaha penerokaan haruslah secara terancang supaya eksplorasiannya memanfaatkan bukan memudaratkan," jelasnya.